

Headlines

1. मुख्यमंत्री उमर अब्दुल्ला होरें श्रीनगर च कैमिकल इंजीनियरें दे 41में राष्ट्री कन्वेंशन दा उद्घाटन कीता। उनें इंजीनियरें गी गुजारश कीती जे ओहू बेहतर ते टिकाऊ ढांचें दे निर्माण कन्नै जम्मू-कश्मीर दी विकास जात्तरा गी नमां आकार देन।
2. जम्मू-कश्मीर सरकारै बहुे प्रशासनिक फेरबदल दे हुक्म जारी करदे होई जम्मू-कश्मीर प्रशासनिक सेवा दे केई अधिकारिएं दे फौरी प्रभाव कन्नै तबादले कीते न।
3. सरकारै विधानसभा दे औंदे इजलास थमां सदन दा कम्मकाज नेशनल ई-विधान एप्लीकेशन पोर्टल दे राहें तोड़ चाढ़ने दे निर्देश दित्ते न।
4. जन्माष्टमी दे पर्व कोला पैहले जम्मू दे बजारें च खासी रौनक, प्रशासन नै बंदिश आहली गट्टू डोर खलाफ कार्रवाई तेज करी दित्ती ऐ।
5. जम्मू-कश्मीर च बरसांती आहली रूतै दरान शैल बरखा बरी ऐ, कठुआ च सबनें शा मती 102 मिलीमीटर बरखा दर्ज कीती गेई। मौसम विभाग नै औंदी 4 सितंबर धोड़ी बरखा बरने दे इमकान दस्से न।

<><><><><><>

CM-Seminar

मुख्यमंत्री उमर अब्दुल्ला होरें अज्ज श्रीनगर च कैमिकल इंजीनियरें दी 41मीं राष्ट्री कन्वेंशन ते बायोमाय - अर्थबवस्था गी कार्बन शा रैहत बनाने लेई इक टिकाऊ संसाधन बारै राष्ट्री स्तर दे सेमीनार दा उद्घाटन कीता। इस मौके किट्टु अगगे भाशण दिंदे होई मुख्यमंत्री होरें जम्मू-कश्मीर दे समृद्ध राई-बाई, बागवानी ते फारेस्टरी खेत्तरें पर लोऽ पांदे होई इस गल्लै पर चेचा जोर दित्ता जे किस चाल्ली कन्नै जैविक कचरे गी स्वच्छ उर्जा च तब्दील कीता जाई सकदा ऐ जेह्दे कन्नै नमें आर्थिक मौके कायम होडन। उमर होरें शिक्षा संस्थानें, शोध करने आहलें ते उद्योगें बश्कार सांझे जतनें दी जरूरतै पर बी जोर पाया तांजे लैबाटरिएं थमां लेइयै जकीनी सतह उपपर नमियां काहडां कड़ियां जाई सकन। मुख्यमंत्री होरें इंजीनियरें दा आह्वान कीता जे ओहू बेहतरनि निर्माण कम्में दे राहें जम्मू-कश्मीर दी विकास जात्तरा गी इक नमां आकार देने च जोगदान देन।

<><><><><><>

JK Adm. Reshuffle

जम्मू-कश्मीर सरकारै फेरबदल, तबादले ते जे.के.ए.एस अफसरें दी थाहें दी अदला-बदली सरबन्धी हुक्म दित्ते न। एहू आदेश फौरी प्रभाव कन्नै लागू होई गेआ ऐ। आदेश मूजब केई सारे महत्वपूर्ण मैहकमें च ते जिले च फेरबदल होआ ऐ। एहू फेरबदल ग्रामीण विकास, समाज कल्याण, खुराक ते नागरिक आपूर्ति, सैलसफा, शिक्षा, सेहत, खजाना ते लोक निर्माण मैहकमें च ऐ। सरकारै सारे अधिकारिएं गी आखेआ ऐ जे ओहू अपनी मौजूदा थाहर थमां कीते गेदे तबादलें आहली थहर पर फौरी पुज्जन।

<><><><><><>

NeVA Portal

जम्मू- कश्मीर सरकारै सबनें प्रशासनिक विभागें गी निर्देश दित्ते न जे ओहू औंदी 21 सितंबर थमां शुरू होआ करदे जम्मू-कश्मीर विधानसभा दे इजलास थमां सदन दा सारा कम्मकाज नेशनल ई-विधान एप्लीकेशन पोर्टल दे राहें कागद-रैहत बनाने

दी दिशा च गैड पुट्टन। कनून, न्याऽ ते संसदीय मामलें सरबन्धी विभाग आसेआ जारी इक्क इत्तलाह च एह दिशा-निर्देश जारी कीते गे न। इन्दे च आखेआ गेआ ऐ जे विधायकें आसेआ जमा करोआए गेदे सोआलें गी सरबन्धत विभागें गी भेजी दित्ता गेदा ऐ ते नेशनल ई-विधान एप्लीकेशन पोर्टल पर लागिन करने लेई ब्यौरे तैयार करी लैते गेदे न।

<><><><><><>

JK-Wildlife

जम्मू-कश्मीर दा जंगलात मैहकमा जम्मू सूबे च पर्यावरण दे अनुकूल सैलसफा गी बढावा देने ते कन्नै जंगली जीएं-जंतुएं दे संरक्षण गी यकीनी बनाने लेई केई पहलकदमियां करा करदा ऐ। स्टाडे कठुआ संवाददाता दी रिपोर्ट मूजब पर्यावरण दे अनुकूल सैलसफे आहले त्रै रस्तें लेई मंजूरी देई दित्ती गेदी ऐ ते एक्कड़ी कुदरती थाहें पर सैलानिएं लेई हट ते होर दुई बुनियादी स्थलतां विकसित करने दियें योजनाएं पर बी कम्म कीता जा'रदा ऐ। अधिकारिएं दा आखना ऐ जे इस पहलकदमी दा मकसद जंगलें ते वन्य जीएं आहलें इलाकें गी सैलसफा कन्नै जोड़ियै मकामी समुदायें ते करसानें लेई रोजगार दे मौके पैदा करना ऐ। विभाग आसेआ जंगली जनौरें करी फसलें दे होने आहले नुकसान लेई मुआवजा प्रक्रिया च सुधार बक्खी बी चेचा ध्यान दित्ता जा'रदा ऐ। इस बारै होर जानकारी देआ'रदे न रीज़नल वाइल्ड लाइफ वार्डन जम्मू आई.एफ.एस अधिकारी संजीत कुमार

<><><><><><>

JMC-Drive

जम्मू नगर निगम आसेआ अज्ज भगवती नगर चैक थमां कनाल रोड बक्खी आहले ज़ेरे तामीर फ्लाई ओवर दे हेठ आहले इलाकें च इक अभियान चलाया। इस दरान जम्मू नगर निगम दी टीमै ज़ेरे तामीर फ्लाई ओवर दे हेठ बनाए गेदे आरजी ढांचें गी हटाया कीजे जेहडे मकसद लेई इनें'गी बनाया गेआ हा, उं'दा मकसद हुन पूरा होई गेदा ऐ। ध्यानजोग ऐ जे जेएमसी आसेआ सिडकें ते सार्वजनिक थाहें पर नियमित वकफे पर इस चाल्ली दे अभियान चलाए जंदे न तांजे गड्डिएं दी बवस्थित ढंगै कन्नै आओजाई जकीनी बनाई रक्खी जाई सकै। हालांकि इस फ्लाईओवर दा निर्माण कम्म अजे चला करदा ऐ पर इस बेल्लै बी एकडे इलाके च गड्डिएं दी बड़ी मती आओजाई होंदी ऐ। मेद ऐ जे इनें आरजी ढांचें गी हटाने दे कन्नै गड्डिएं दी आओजाई होर बवस्थित बनग। पेश ऐ साढे संवाददाता दी एह रिपोर्ट

<><><><><><>

Janamashtmi-Prep.

औंदे जन्माष्टमी दे त्यौहार दे मद्देनजर जम्मू प्रांत दे बजारें च सरबन्धी गतिविधियां बदी गेइयां न। लोकें गी भगवान कृष्ण दियां मूर्तियां, कपड़े, उंदे साज-श्रृंगार ते पूजा दा समेयान खरीदे दिक्खेआ जाई सकदा ऐ। बजारें गी बी शैल सनाकडे ढंगै सिर सजाया गेदा ऐ। ठाकरें दे वर्त दे मद्देनजर उधमपुर जिला प्रशासन नै चीनी डोर जिंसी गट्टू डोबर बी आखदे न ते जेदे पर प्रतिबंध लगगे दा ऐ दी बिक्री पर नेडमी तक्क रक्खा'रदा ऐ। जन्माष्टमी पर बच्चे गुड्डियां डोआंदे न ते एहदे लेई चीनी डोर दा इस्तेमाल हुंदा ऐ। 10 मिम्बरी टीम इस कम्मै पर लग्गी दी ऐ। एहदी अगुवाई तहसीलदार जय सिंह होर करा'रदे न। इस मौके पर बोलदे होई जय सिंह होरं आखेआ

<><><><><><>

Bharat-Gaurav Train

आई.आर.सी.टी.सी आसेआ जम्मू थमां इक विशेष भारत गौरव रेल गड्डी चलाई जा'रदी ऐ। एहदे राएं श्रद्धालुएं गी इक्कै जात्तरा दरान बक्ख-बक्ख ऐतिहासिक ते धार्मिक थाहरें दा दौरा करने दा मौका थहोग। एह रेल जम्मू थमां 14 नवंबर गी 13 दिन लेई रवाना होग। इस दरान एह रेल तिरूपति, रामेश्वरम, मधुराई, कन्याकुमारी ते मल्लिकार्जुन जनेई थाहें पर जाहग। एह विशेष रेल गड्डी 26 नवंबर गी वापस जम्मू परतोग। इस बारै जोर मती जानकारी इक अधिकारी थमां

<><><><><><>

Udh. Mushroom

उधमपुर जिले दी महिला टिंगरी जेड़ी जे खुम्बे दी इक किस्म ऐ, दी रड़ गी स्वयं रोजगार ते आत्मनिर्भर होने दे मौके दे तौर पर दिक्खारदियां ना। वैशाली शर्मा नै अपने घरे च खुम्बे दी पैदावार आहली इकाई कायम कीती ऐ ते ओहदी पैदावार ते बजार तगर अपनी पैदावार गी पजाने आहले कम्मै च लग्गी दी ऐ। उं'दे इस जत्त राएं ओहू अपने लेई आजीविका दे मौके पेदा करा करदियां ना। उं'दा जत्त होरनें महिलाएं ते युवाएं लेई बी बत्त पदरी करदा ऐ। 600 उत्पादक जिले च 650 क्विंटल खुम्बे दी सालाना खेती करा'करदे ना। अपनी इस जात्तरा बारे बोलदे होई वैशाली शर्मा नै आखेआ

<><><><><><>

Weather

जम्मू-कश्मीर दी मती सारी थाहरे पर बरखा होई ऐ। कठुआ च 102 मिलीमीटर, पहलगाम च 51 अशारिया 8 मिलीमीटर ते राजौरी च 50 मिलीमीटर बरखा दर्ज कीती गेई ऐ। विभाग मूजब अज्ज ते 4 सितंबर गी किश थाहें पर बरखा पेई सकदी ऐ। किश थाहें पर हल्की ते किश थाहें पर भारी बरखा होई सकदी ऐ। उआं 13 सितंबर तगर मौसम आमतौरा पर खुशक ते उमस आहला गै बने दा रौहग। मौसम बारे होर जानकारी दिंदे होई विभाग दे निदेशक मुख्तार अहमद होरे आखेआ

<><><><><><>